

næringsliv

Nyhetsledelsen - telefon: 52 72 04 56
Tippstelefon: 52 72 22 22
Epost: redaksjonen@haugesunds-avis.no
SMS/MMS: hatips til 1932

Investeringsstøtte til vindkraft

OSLO: Enova presenterte mandag et nytt vindkraftprogram med investeringsstøtte til utbygging av vindkraft i Norge. Enova, som er etablert for å ta initiativ til og fremme en miljøvennlig omlegging av energibruk og energiproduksjon i Norge, vil støtte de mest kostnadseffektive prosjektene, inntil målet om 3 TWh vindkraft er nådd innen utgangen av 2010. Det statlige selskapet har siden 2001 støttet ti vindparker med kontraktfestet årlig produksjon på 1,4 TWh. For å nå målet må ytterligere 1,6 TWh bygges ut, opplyser Enova i en pressemelding. **NTB**

Jaktar små kundar

Dekorator Linn Høiness Reitan (30) har lenge leika med tanken om eigen business. På reise i utlandet fann småbarnsmora frå Haugesund konseptet som nå blir sett ut i livet.

Tekst: ARNE FRØKEDAL

Haugesund: Etter ti års arbeid for kleskjeda Hennes & Mauritz i Haugesund går Linn H. Reitan i gong med eige aksjeselskap. Ein rein interiørbutikk for born.

– Eg trur me er relativt åleine i landet om ein slik nisjebutikk, seier den nybakte gründeren.

Kidsroom AS

Saman med ektemannen Eirik Reitan (31) har den entusiastiske haugesundsenta stifta Kidsroom AS med 350.000 kroner i aksjekapital.

– Eg har lenge hatt lyst til å jobba med noko som er mitt eige og tenkt på barneromsinteriør. I Danmark og Tyskland såg eg at det var veldig mykje å velja i. Noko det absolutt ikkje finst heime utan at du flyg rundt i mange butikkar, fortel dagleg leier og styreleiar i Kidsroom AS.

Sjølvlært

Ideen var sådd og like over nytt-år trykte 30-åringen på knappen. Gründerarbeidet starta på Internett, med lesing og studering seint og tidleg.

Linn H. Reitan lærte sjølv korleis ho skulle gå fram med å få registrert selskap, skaffa revisor, gå gjennom heile papirmølla



BARNEROMSSPESIALISTEN: Linn Høiness Reitan, her med sonen Aleksander, har vist heime i Hervikvegen korleis det er mogeleg å laga koseleg barnerom. **FOTO: ARNE FRØKEDAL**

fram til etablering og forholde seg til kemner og likningskontor.

To småbarn

– Eg grua meg, men prosessen gjekk veldig fint, sjølv om det var veldig mykje å setja seg inn i, fortel ho.

Etableringa har skjedd i fødselspermisjon, utan at ho føler det har gått ut over borna, Malin (3) og Aleksander (7 månader), og heim. Ektemannen har gitt ei fantastisk støtte og deltatt på oppstartseminar i regi av Haugaland Vekst saman med den komande forretningskona.

– Det er så mykje fint å velja i til barnerom og eg gleder meg som ein unge til å starta med denne unike spesialbutikken, seier ho.

Skjoldavegen

Den ivrige gründeren tok også Internett i bruk for å skaffa varer til den nye butikken. Ho enda opp i korrespondanse i diverse land i Europa.

I dag står ho med forhandlaravtale med mellom 15 og 20 leverandørar, hovudsakleg i Danmark, Tyskland.

Kidsroom blir ein del av Solvangen Nærcenter i Skjoldavegen, og har leigd 150 kvadratmeter under Tito. Her kjem det også daglegvarer og andre butikkar. Opninga skjer i månads-skiftet juli/august.

– Eg føler at det meste er under kontroll. Me overtar lokala denne veka og eg gleder meg verkeleg til å gå laus på inn-

reinga. Det skal bli ein superlekkar butikk, seier Haugesundsenta som har reist heile landet rundt som dekorator for H&M.

Ekspansjon?

Kidsroom legg seg på eit nøktern inntektsnivå i startfasen, men er spente på den.

– Sjølv om det er den kreative lysta som driv meg, er målet å kunna leva av dette. Eg opplever alt stor interesse og mange spørsmål frå den aktuelle kundegruppa.

Folk brukar mykje pengar på borna sine i dag, og dersom dette går

skikkeleg bra her på Haugalandet, utelukk eg ikkje at me vil prøva konseptet andre stader, seier Linn H. Reitan som også satsar på internettbuikk og eksterne dekoratortjenester for barnefamiljar.

Bli kjent med Haugesund gjennom Ditt Distrikt®!



Lokalinformasjon samlet på ett sted!

Katalogen hjelper deg med:

- Oversikt over lokale bedrifter, organisasjonar og offentlege etatar
- Fritidsaktivitetar, kulturtilbud og aktivitetsskuleender
- Kommunal og nyttig informasjon
- Lokale kart
- Telefonregister

ditt@distrikt®
Liten, lett og rask å bruke

«Har lengta etter å driva med eige»

Linn Høiness Reitan